

方以類聚

發熱

病鮮有不發熱者。內傷外感。其大關鍵也。熱症類傷寒者數種。治各不同。感于冬春寒冷之月。卽時發病。謂之傷寒。藥用辛熱。春溫之月。則當變以辛涼。夏暑之月。則當變以甘苦寒。故云傷寒不卽病。至春變溫。至夏變熱。治法必因時而有異。又有一種冬溫之病。謂之非其時而有其氣。天時不正。陽氣反泄。用藥不可溫熱。又有一種時行寒疫。却在溫暖之時。寒反爲

病亦天時不正。陰氣反逆。用藥不可寒涼。又有一種
天行瘟疫熱病。多發於春夏之間。闔境相同。此天地
之疢氣。當察氣運施治。宜用辛涼甘苦寒之藥。清熱
解毒。皆外感也。若飲食勞倦。內傷元氣。真陽下陷。內
生虛熱。用葠者甘溫。補其氣而提其陷。若勞心喜色。
內傷真陰。陰血既傷。陽氣偏勝而變爲火。是謂陰虛
火旺。癆瘵之症。用四物加黃檗知母。補其陰而火自
降。皆內傷也。又有夏月傷暑之病。雖屬外感。却類內

傷。與傷寒大異。蓋寒傷形。邪客表。有餘之症。宜汗之。暑傷氣。元氣爲熱所傷而耗散。不足之症。宜補之。又有因暑熱。食冷物以傷其內。取涼風以傷其外。非暑傷人。乃因暑而自致之之病。宜辛熱解表。或辛溫理中。人迎大爲外感。氣口大爲內傷。外感則寒熱齊作。而無間。內傷則寒熱間作而不齊。外感惡寒。近火不除。內傷惡寒。就暖必解。外感惡風。不禁一切風寒。內傷惡風。唯惡芤少賊風。外感則鼻患壅氣。內傷則口

不知味。外感則邪氣有餘。故發言壯厲。先輕而後重。
內傷則元氣不足。故出言懶怯。先重而後輕。外感頭
痛。無晝無夜。內傷頭痛。時止時作。外感手背熱。手心
不熱。內傷手心熱。手背不熱。輕捫熱。重按不熱。熱在
皮毛。血脈也。重按熱。輕捫不熱。熱在筋骨間也。輕捫
不熱。重按不熱。不輕不重而熱。熱在肌肉也。晝則發
熱。夜則安靜。陽氣白旺於陽分也。晝則安靜。夜則發
熱。煩燥。陽氣下陷入陰中也。名曰熱入血室。晝夜發

熱煩燥。是重陽無陰。亟瀉其陽。峻補其陰。骨。肉。筋。血。皮。手。陰。足。而熱反勝之。是爲實熱。骨。痠。肉。燥。筋。緩。血。枯。皮。聚。毛。落。陰。不。足。而。有。熱。疾。是。爲。虛。熱。能。食。而。熱。大。便。難。者。實。熱。也。不。能。食。而。熱。自。汗。氣。短。者。虛。熱。也。暴。熱。者。病。在。心。肺。積。熱。者。病。腎。肝。四。肢。發。熱。主。屬。脾。脾。者。土。也。熱。伏。地。中。多。因。血。虛。而。得。五。心。煩。熱。心。火。下。陷。在。脾。土。之。中。也。有。腎。虛。火。不。歸。經。遊。行。于。外。而。發。熱。者。心。包。絡。相。火。附。于。右。尺。命。門。男。以。藏。精。女。以。

繫胞嗜欲竭之。火無所附。故厥而上炎。桂附與火同氣也。味辛能開腠理。致津液。通氣道。據其窟宅而招之。同氣相求。火必下降矣。

○心病邪熱。慈珠丸。用豬心血一箇。旋花末一匙。朱砂末一兩。同研丸。梧子大。每酒服三十。

○心經實熱。瀉心湯。用黃蓮七錢。水一盞。半煎。一盞食遠溫服。小兒減之。

○心熱。溺赤。面赤。唇乾。咬牙。口渴。瀉赤散。用木通生。

地黃炙甘草等分入水竹葉七斤水煎服

○熱攻心煩恍惚以牛蒡根搗汁一升食後分爲二

服

○大熱心悶槐子燒末酒服方寸匕

○肺勞風熱止渴去熱天門冬去皮心煮食或暴乾

爲末蜜丸服亦可洗面

○肺中有火用斤芩炒爲末水丸梧子大每二三二十

白湯下

○三焦積熱玄稜黃蓮大黃各一兩爲末煉蜜丸梧
子大每三四十白湯下小兒丸如粟米

○體如蟲行風熱也鹽一斗水一石煎湯浴三四次
亦療一切風氣

○大豆水漬絞漿旦旦洗之或加少麪沐髮

○風熱衝頂熱悶訶藜二枚爲末芒硝一錢同入酢
中攪令消磨塗熱處

○風熱邪病蝦蟇燒灰朱砂等分爲末每服一錢酒

服日三

○風熱毒氣煎過牛乳一升生牛乳一升和勻空腹服之日三

○中風發熱大戟苦葶四兩白酢醬一斗煮熟洗之寒乃止

○驚風煩熱慎火草煎水浴之

○夏月熱煩用小薊苗生研汁服

○發熱口乾小便赤瀉用萎蕤五兩煎汁飲

○甘蔗去皮嚼汁嚥之飲漿亦可

○上氣發熱因奔趨走馬後飲冷水所致者竹葉三
斤橘皮三兩水一斗煎五升細服三日一劑

○乳石發熱菱莖三兩炙甘草二兩生犀角二兩水
四升煮一升半分三服

○身體發熱不拘大人小兒用鷄子三枚白蜜一合
和服

○骨節積熱漸漸黃瘦黃蓮四分切以童便五大合

浸經宿微煎三四沸去滓分作二服

○五心煩熱胡黃蓮末米飲服一錢

○婦人肌熱血虛者喫力伽散用白朮白茯苓白芍藥各一兩甘草半兩爲散薑棗煎服

○婦人五心發熱用水仙花乾薄荷赤芍藥等分爲末每二錢白湯調下

○大黃散治上焦熱而煩不能臥睡山梔仁大黃鬱金各半兩甘草二錢半共爲末每五錢水煎溫服

微利則已

○涼膈散治大人小兒積熱煩躁多渴面熱唇焦咽
燥舌腫喉閉目赤鼻衄頤頰結硬口舌生瘡譫語
狂妄腸胃燥澀便溺閉結睡臥不安一切風壅梳
子仁連翹薄荷黃芩甘草各一兩半大黃芒硝各
半兩共爲麤末每一兩水二盞竹葉七斤煎一盞
去滓入蜜少許食後服加薑煎亦得去六經熱減
大黃芒硝加桔梗甘草人葎防風治肺經邪熱咳

嗽有痰加半夏涼膈與四物各半服能益血瀉熱
名雙和散錢氏去連翹加藿香石膏爲瀉黃散寶
鑑連翹四兩硝黃各二兩餘各一兩

○柴胡飲子解一切肌骨蒸熱寒熱往來及傷寒發
汗不解或汗後餘熱勞復或婦人經病不快產後
諸熱並宜服之黃芩甘草炙大黃芍藥柴胡人蔘
當歸各半兩剉散每四錢水一盞薑三斤煎六分
去滓溫服

柴胡升陽湯柴胡升麻葛根獨活羌活各半兩防
風二錢半甘草生二錢炙二錢人侵白芍藥各半
兩共咬咀每半兩水三大盞煎一盞去滓稍熱服
忌冷物米水月餘

○退熱湯治表中虛熱或遇夜則甚黃芪一錢柴胡
七分生甘草黃連酒制黃芩芍藥地骨皮生地黃
蒼朮各五分當歸身升麻各三分共咬咀水二盞
煎一盞去滓食遠溫服

○龍腦鷄蘇丸治上焦熱除煩解勞去肺熱咳衄血
熱驚悸脾胃熱口乾吐血肝膽熱泣出口苦腎熱
神志不定上而酒毒隔熱消渴下而血滯五淋血
崩等疾薄荷一觔麥門冬去心二兩甘草一兩半
生地黃六兩另末黃蓮一兩黃芪新蒲黃炒阿膠
炒人葎各二兩俱爲末木通二兩銀柴胡二兩劉
同木通沸湯浸一日夜絞取汁好蜜二觔先煎一
兩沸然後下生地黃末不住手攪時加木通柴胡

汁慢火熬膏勿令火緊膏成然後加前藥末和丸
豌豆大每二十白湯下虛勞虛煩梔子湯下肺熱
黃芩湯下心熱悸動恍惚人葭湯下吐咳唾衄諸
血去心麥門冬湯下汗熱防風湯下腎熱黃蘗湯
下已上並食後臨臥服治五淋及婦人漏下車前
子湯下痰嗽生薑湯下莖中痛蒲黃滑石水一鐘
調下氣逆橘皮湯下室女虛勞寒熱潮作柴胡人
葭湯下


○三黃丸治丈夫婦人三焦積熱上焦有熱攻衝眼
目赤腫頭項腫痛口舌生瘡中焦有熱心膈煩燥
飲食不美下焦有熱小便赤澀大便秘結五藏俱
熱卽生癰癤瘡疾及治五般痔疾肛門腫痛或下
鮮血黃蓮淨黃芩淨大黃各十兩共爲末煉蜜丸
梧子大每三十食後熟水吞下視臟腑虛實加減
小兒積熱亦宜服一方用腦麝爲衣丸豆大夜間
噙化一二粒

發訣
○三補丸治上焦積熱瀉五臟火黃芩黃連黃蘗等
分爲末蒸餅丸梧子大每白湯下二三十

○酸漿實丸治三焦腸胃伏熱婦人胎熱難產用酸
漿實五兩莧實三兩馬藺子炒犬鹽榆白皮炒二
兩柴胡黃芩栝萋根簡茹各一兩爲末煉蜜丸梧
子大每三十木香湯下

○紅雪治風熱消宿食解酒毒開三焦利五臟除毒
熱破積滯又治傷寒狂躁胃爛發狂溫瘴瘴氣黃

疸頭痛目昏鼻塞口瘡喉痺重舌腸癰等病用川
朴硝十觔煉去滓韋羊角屑黃芩升麻各三兩入
葶赤芍藥檳榔枳殼麩炒生甘草淡竹葉木香各
二兩木通卮子葛根桑白皮大青藍葉各一兩紫
蘇方木六兩並剉斤水二斗五升煎至九升去滓
濾過煎沸下硝不住手攪待水氣將盡傾入器中
欲凝下朱砂一兩麝香半兩經宿成雪每一二盞
新汲水調下欲行則熱湯化服一兩



潮熱

有作有止。若潮水之來。不失其時。一旦發。大便堅澀。喜冷畏熱。心下愀然。睡臥不著。此屬氣盛實而潮熱者也。若氣消乏。精神憔悴。飲食減少。日漸尪羸。雖病暫去。而五心常有餘熱。此屬虛證。有潮熱似虛。曾臈痞塞。背心疼痛。乃飲證。隨氣而潮。故熱隨飲而亦潮也。

四物二蓮湯治血虛五心煩熱。晝則明了。夜則發。

熟當歸生地黃白芍藥炒各一錢川芎七分黃蓮炒五分胡黃蓮三分共咬咀水煎溫服

○葶蘇飲治感冒發熱頭疼以被蓋臥連進取微汗即愈若餘熱未退徐徐服之自然平治痰飲凝積發熱連日煩進以熱退爲期不可預止雖有前胡乾葛但能解肌耳既有枳殼橘紅葦自能寬中快膈不致傷脾如治中脘痞滿嘔逆惡心開胃進食無以踰此毋以性涼爲疑一切發熱皆能取效不

必拘其所因也小兒室女亦宜服之乾葛洗前胡
去苗半夏湯洗七次薑汁製炒人葎茯苓去皮各
七分半木香紫蘇葉枳殼去瓢麩炒桔梗去蘆甘
草炙陳皮去白各五分水一盞半薑七片棗一枚
煎六分去滓溫服不拘時易簡不用木香

惡寒

經謂惡寒戰慄。皆屬於熱。又謂戰慄如喪神守。皆屬於火。惡寒者。雖當炎月。若遇風霜。重綿在身。如覺凜凜。此爲病熱。實非寒也。古有以大承氣下燥糞而愈者。惡寒明是熱證。但有虛實之分耳。晝則惡寒。陰氣上溢於陽分也。夜則惡寒。陰血自旺於陰分也。有衛氣虛衰。不能實表。溫分肉而惡寒者。有上焦之邪。隔絕榮衛。不能升發出表而惡寒者。有酒熱內鬱。不得

泄而惡寒者。背惡寒。是痰飲。身前寒。是胃虛。手足寒者。厥也。小寒之氣。溫以和之。大寒之氣。熱以取之。甚寒之氣。則下奪之。奪之不已。則逆折之。折之不盡。則求其屬以衰之。

○大建中湯治內虛裏急。少氣手足厥冷。小腹攣急。或腹滿眩急。不能食。起卽微汗。陰縮。或腹中寒痛。不堪勞。唇口乾。精自出。或手足乍寒乍熱。而煩冤酸疼。不能久立。多夢寐。黃芪當歸桂心芍藥各二

錢人蓂甘草各一錢半夏泡焙黑附子炮去皮各
二錢半共咬咀每五錢水二盞薑三斤棗二枚煎
一盞去滓食前溫服

○升陽益胃湯黃芪二兩半夏湯洗脉瀦者可用人
蓂去蘆甘草炙各一兩獨活防風白芍藥羌活各
五錢橘皮四錢不去白茯苓小便利不渴者用柴
胡澤瀉不淋勿用白朮各三錢黃蓮一錢共剉每
三錢水三盞薑五斤棗二枚煎一盞去滓早飯後

溫服漸加至五錢止如小便利而病加增劇是不
宜利小便當少去茯苓澤瀉若喜食初二日不
可飽恐胃再傷以藥力尚淺胃氣不得轉運升發
也須薄滋味或美食助其藥力益升浮之氣而滋
其胃慎不可淡食以損藥力而助邪氣之降沉也
可小役形體使胃與藥得轉運升發而忌大勞致
氣復傷若胃氣稍強少食果以助穀藥之力經云
五穀爲養五果爲助者也服藥訖忌語話一二時

及酒濕麪大料冷蒸寒涼淡滲之物

○黃芪補胃湯黃芪五錢甘草三錢香白芷二錢五分藁本升麻各二錢草豆蔻橘皮各一錢半麻黃當歸各一錢蓮花青皮七分柴胡六錢黃蘗少許共咬咀每五錢水二盞煎一盞去滓稍熟食前服

○鐵刷湯治積寒痰飲嘔吐不止胃膈不快不下飲食半夏四錢湯泡草豆蔻丁香乾薑炮訶子皮各三錢生薑一兩共咀斤水五盞煎二盞半去滓分

三服不拘時大吐不止加附子三錢生薑半兩

○桂附丸療風邪冷氣入乘心絡臟腑暴感風寒上
乘於心令人卒然心痛或引背脊乍間乍甚經久
不差川烏炮去皮臍黑附炮去皮臍各三兩乾薑
炮赤石脂川椒去目微炒桂去麤皮各二兩共爲
末蜜丸桐子大每服三十溫水下覺至痛處卽止
若不止加至五十以知爲度早服無所覺至午再
服二十丸若久心痛服盡一料終身不發

○附子理中丸治脾胃冷弱心腹疔疼嘔吐泄利霍亂轉筋體冷微汗手足厥冷心下逆冷滿悶腹中雷鳴飲食不進及一切沉寒痼冷人葭去蘆附子炮去皮臍乾薑炮甘草炙白朮各等分共爲末煉蜜丸每一兩作十圓每一圓以水一盞化破煎至七分食前稍熱服

○大已寒丸治臟腑虛寒心腹疔痛泄瀉腸鳴自利自汗米穀不化手足厥冷葭撥肉桂各四兩乾薑

炮良薑各六兩共爲細末水煮麪糊丸梧子大每
服二十食前米飲下

往來寒熱

凡病多能爲寒熱。發作有期者瘧。無期者諸病也。經謂風氣盛於皮膚之間。內不得通。外不得泄。善行而數變。腠理開則灑然寒。腠理閉則熱而悶。其寒也則衰飲食。其熱也則消肌肉。使人快慄。名曰寒熱。或問病者有灑淅惡寒而復發熱何也。曰陰脉不足。陽往從之。陽脉不足。陰往乘之。寸微爲陽不足。陰氣上入陽中。則灑淅惡寒。尺弱爲陰不足。陽氣下陷陰中。則

發熱也。用柴胡之屬者。升陽氣使不下陷陰中。則不熱也。用黃芩之屬者。降陰氣使不上入陽中。則不寒也。若師尼寡婦。獨陰無陽。其心萌而不遂。陰陽交爭。寒熱互作。絕類溫瘧。久則成勞。肝脉弦長而上魚際。宜抑陰地黃丸。

○小柴胡湯治傷寒四五日往來寒熱。胃滿心煩喜嘔。少陽發熱。柴胡半觔。黃芩人葠。甘草生薑各三兩。半夏半升。洗大棗十二枚。擘水一斗。煮取六升。

去滓再煮至三升日作三次溫服一加山梔牡丹皮

○柴胡四物湯治日久虛勞微有寒熱脉沉而數川芎當歸芍藥熟地黃各一錢半柴胡八錢人蔞黃芩甘草半夏各三錢共爲末水煎服

○解風湯治中風寒熱頭目昏眩肢體疼痛手足麻痺上膈壅滯人蔞川芎獨活甘草麻黃去節湯洗焙各一兩細辛半兩共爲末每三錢水一盞生薑

五斤薄荷葉少許煎八分不拘時服

○調中湯白茯苓乾薑白朮甘草各等分每五錢水一盞半煎七分服

○柴胡散柴胡黃芪赤茯苓白朮各二兩人葎地骨皮枳殼麩炒桔梗桑白皮赤芍藥生地黃各七錢半麥門冬去心三兩甘草半兩每四錢薑五斤水煎服

○黃芪丸治產後羸勞寒熱進退頭目眩痛骨節痠

疼氣力虛乏黃芪鱉甲當歸炒各一兩桂心白芍
藥續斷川芎牛膝菴蓉沉香柏子仁枳殼各六錢
半五味子熟地黃各半兩共爲細末煉蜜爲丸桐
子大每服四五十食後粥飲下

○抑陰地黃丸生地黃二兩紫胡秦艽黃芩各半兩
赤芍藥一兩共爲細末煉蜜丸桐子大每服三十
烏梅湯吞下不拘時日三昔齊褚澄療師尼寡婦
別制方蓋有爲也因獨陰無陽慾心萌而多不遂

是以陰陽交爭乍寒乍熱全類溫瘧久則爲勞嘗
讀史記倉公傳濟北王侍人韓女病腰葦痛寒熱
衆醫皆以爲寒熱也倉公曰病得之欲男子不得
也何以知其然診其脉肝弦出寸口盖男子以精
爲主婦人以血爲主男子精盛則思室婦人血盛
則懷胎肝攝血故也厥陰弦出寸口又上魚際則
陰血盛可知褚澄之言信有爲矣此方雖曰抑陰
實補陰瀉陽之劑也

外熱內寒

大熱反欲近衣。熱在皮膚。寒在骨髓也。桂枝先治寒。柴胡次治熱。

○桂枝湯桂枝芍藥生薑各三兩甘草二兩炙大棗十二枚擘共咬咀以水七升微火煮取三升去滓適寒溫服一升須臾飲熱稀粥一升餘以助藥力溫覆一時許遍身熱熱微似有汗者佳不可令如水淋漓病必不除若一服汗出病差停後服不必

畫劑

夕
畫
內
集

外寒內熱

大寒反欲遠衣。寒在皮膚。熱在骨髓也。白虎人葭先治熱。桂枝麻黃次治寒。

○白虎湯知母六兩。咀。斤。石膏一觔。碎。甘草二兩。剉。粳米六合。水一斗。煮米熟。湯成。去滓。溫服。一升。日三。

○桂枝麻黃各半湯。桂枝去皮一兩六錢。六分。炙。芍藥生薑切。甘草炙。麻黃各一兩。去節。大棗四枚。杏

仁二十四枚去皮尖及雙仁者以水五升先煮麻
黃一二沸去上沫內諸藥煮取一升八合去滓溫
服六合

上熱下寒上寒下熱

熱病所謂陽附陰者。腰以下至足熱。腰以上寒。陰氣下爭。還。心腹滿者死。靈樞刺項太陽。陰附陽者。腰以上至頭熱。腰以下寒。陰氣上爭。還。得汗者生。靈樞視虛脉。陷於經絡者取之。東垣謂另有上熱下寒。陰中火旺。上騰於天。致六陽反不衰而上亢。先去五臟之血絡。引而下行。天氣降。則下寒之病自去矣。

○既濟解毒湯治上熱頭目赤腫而痛。胃腸煩悶不

得安臥身半以下皆寒足脰尤甚大便秘大黃
酒煨大便利勿用黃蓮酒炒黃芩酒炒甘草炙桔
梗各二錢柴胡升麻連翹當歸身各一錢或咀作
一劑水二鍾煎一鍾去滓食後溫服忌酒濕麪大
料及生冷硬物